

դրութեան սրբոյն Բարսղի, որոց երկուցունց տեղեացն անունանք Հաղբատ և Սանահին հանդէպ միմեանց...: Եւ առաջնորդ Սանահին՝ Յովհաննէս գիտնական աշխն Աստուծոյ»<sup>1</sup>:

Սամուել Անեցին Սանահինի վանքի հիմնադիր է համարում Աշոտ Ողորմածի կնոջը՝ Խոսրովանուշ թագուհուն և որոշակի նշում է հիմնարկութեան նժՁ (416 + 551 = 967) թվականը:

Նա գրում է.

«Ի նժՁ թվին շինեցաւ Հաղբատ և Սանահինն՝ Ժ ամաւ առաջ քան զՀաղբատ շինեցաւ ի Խոսրովանուշ թագուհոյն՝ ի կնոջէ Աշոտոյ Շահնշահի»<sup>2</sup>:

Այժմ գիտութեան մեջ ընդունված է այս կարծիքը: Լեոն իր բազմահատոր «Հայոց Պատմութեան» մեջ գրում է, որ Հաղբատի վանքը 967 թ. կառուցել է «Աշոտի ամուսին Խոսրովանուշ հայոց տիկինը: Նույն տիկնաց տիկինն էր, որ տասը տարի առաջ շինել էր Սանահինի նույնպէս հռչակավոր վանքը»<sup>3</sup>:



Նկ. 3. Վանքի գլխավոր շէնքերի ընդհանուր տեսարանը աե կողմից:

Նույն կարծիքին է նաև Օրմանյանը. նա «Ազգապատումի» առաջին հատորում գրում է, որ «Սանահին շինված է 957-ին և տասը տարի ետքը՝ Հաղբատ 967-ին, և հիմնադիրն եղած է Աբասի որդի և հաջորդ Աշոտ Ողորմածի կողակիցը՝ Խոսրովանուշը թագուհին»<sup>4</sup>:

Սամուել Անեցու վերոհիշյալ տեղեկությունը կրկնել են 13-րդ դարի և հետագայի ժամանակագիրները զանազան աղավաղում-

ներով: Երբեմն սխալ հասկանալով Անեցու գրածը, փոխանակ Սանահինը հին համարելու, Հաղբատի հիմնարկությունն են 10 տարով առաջ դրել (Ստեփանոս Օրբելյան, և այլն), երբեմն էլ թվականի գրերը ճիշտ շին կարդացել և Ե-ն է-ի են վերածել ու վանքի հիմնարկությունը երկու տարով նորացրել են: Այսպես, օրինակ, ժամանակագիրներից մեկը գրում է.

«Ճաւուրս սորա (Աշոտոյ Ողորմածի)

<sup>1</sup> Ստեփանոսի Տարօնեցւոյ Ասնդկան Պատմութիւն, էջ 181:

<sup>2</sup> Սամուէլի քահանայի Անեցւոյ Հաւաքմունքի գրոց պատմագրաց, էջ 100:

<sup>3</sup> Լեոն, Հայոց պատմութիւն, երկրորդ հատոր, Երևան, 1947, էջ 599:

<sup>4</sup> Ազգապատում, գրեց Մաղաքիա արքեպ. Օրմանյան, հատ. 1-ին, Կ. Պոլիս, սխալաւ 1912,